



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1628. usque ad annum 1634

Fleury, Claude

August. Vind. [u.a.], 1778

VD18 90118871

§. 16. Urbani VIII. Pontificis Sollicitudo circa inclinatas Catholicorum res.

[urn:nbn:de:hbz:466:1-67394](https://nbn-resolving.org/urn:nbn:de:hbz:466:1-67394)

Sæc. XVII. rum adjunxere. Hæferat tamen
 A. C. 1631. Budovicium Saxonis victoris impetus
 hanc enim urbem Balthasar Maradinus
 Vir bello spectatissimus adversus ene-
 nes Saxonum incurfus strenue pro
 pugnaverat.

§. XVI.

*Urbani VIII. Pontificis sollicitudo
 circa inclinatas Catholicorum res.*

Jæger. Hist. Dcl. l. 1. cap. 19. Bougeant Hist. Bell. tric. t. 1. l. 2. Palat. in vita Urban. VIII. Quamprimum Urbanus VIII. Pontifex Maximus de Franciæ Regis inter-
 dere cum Suecis inito certior fuerat
 factus, mox datis ad eundem literis
 desuper vehementer querebatur. Respon-
 sionem eidem dederat Ludovicus Rex
 proprio chirographo, declarans, quod a
 Suecorum partibus assistere paratus
 esset, dummodo Hispaniæ Rex haud
 ultra Franciæ hostilitatem ferre, junctis-
 que viribus Hugonotas in Gallis, & Pro-
 testantes in Germania reprimere vellet.
 Has Regi literas Urbanus quantocius
 Madritum transmiserat, quin responsum
 inde ferret: quinimo Cardinalis Borgia
 Hispaniæ Regis nomine necnon Cardinales
 Austriacæ Domui addicti habito inter
 conventu scripturam obtulerunt, qua
 palam declarabant, totam penam
 Pontificem culpam fore, si Religio Catho-
 lica

Sæc. XVII.
A. C. 1631.

tholica detrimenti quid capiat, eo quod
 flammæ undique erumpentes hucus-
 que restinguere neglexisset: Enimvero
 Papa primis hujus belli initiis non nisi
 Ecclesiæ thesauros indicto ac de Mense
 in Mensem propagato Jubilæo largissi-
 me proferebat: minime ratus, Prote-
 stantium arma tam brevi temporis in-
 tervallo universam Germaniam cum
 maximo Religionis orthodoxæ dispen-
 dio inundatura: postquam vero a Cæ-
 sare, aliisque Principibus Catholicis
 per Legatos identidem submissos moni-
 tus fuerat, propemodum de Religione
 actum esse, ni omnibus viribus tempe-
 stive subveniretur, nulla mora cunctos
 Italiæ Principes ad ferendam opem
 sollicitabat, a quibus tamen præter
 verba & excusationes nil aliud retulit.
 Paulopost Ferdinandus Imperator Pas-
 manum Cardinalem Vienna Romam
 decrevit, qui deploratum Ecclesiæ &
 Germaniæ statum vivis coloribus de-
 pingeret: Pasmano ad alloquium ad-
 missio Papa respondit, haud decere,
 ut ipse utpote Cardinalis sese profanis
 rebus immisceret, Pasmanus vero mox
 reposuit, de Religione agi, pro qua
 excubare, Cardinalium esset, si vero
 purpura obstaret, se eam deponere, &
 solo tectum indusio perorare paratum
 esse. Excusat primo Pontifex ærarii
 in-

Sæc. XVII. inopiam ex Austriacorum irruptione in
 A. C. 1631. Italiam exortam, postea tamen urgente

Pasmano antiquæ severitatis Viro impendens Ecclesiæ periculum in sacro Purpuratorum confessu gravibus oppido verbis exposuit: Rationibus per opinionum varietatem in partem utraque ventilatis prævalere Hispanis partibus addisti Cardinales, qui tanti in causam in ipsum Cæsarem rejiciebant eo quod hic ad Italiæ & præcipue Mantuæ devastationem pecunias copiosas suas, quas utilibus contra Suecos Protestantium progressus impendere potuisset, spretis Apostolicorum Nuntiorum monitis prodigere haud dubitasset, ipsumque Papam adegisset, ad Mantuæ tutelam numerosas alere phalanges, ærariumque exhaurire. Hæc Cardinalium libertas plurimum offenderat Pontificem, qui moderatorem ceterorum opinionem secutus, ad ferendas belli expensas Cæsari centum mille aureos ex decimis Italiæ Clericis imperatis submitit, palamque Hispani Regis Legato declaravit, quod Hispani sua ambitione, ac dominandi libidine Catholicorum non paucos, ut de hereticorum victoriis lætarentur, adegissent: inde vero tanta inter Cæsarem Hispanosque Oratores exorta est indignatio, ut Cardinalibus in diversis

factiones scissis Philippus IV. Hispaniæ Sæc. XVII.
 Rex Regni sui beneficia conferendi jus A. C. 1631.
 Pontifici demere, hancque in rem Cor-
 dubensi Episcopo, & Joanne Chiu-
 mazzero Romam decretis in Regno suo
 Curiam, quæ *Dataria* vocatur, erige-
 re statueret: ubi occasione exin arre-
 pta Gallus quidam Poeta ad apes, quas
 Urbanus in suis insignibus ferebat, al-
 ludens hunc versum divulgabat. *Mella*
dabit Gallis, Hispanis spicula figet, quo
 tamen perlecto Pontifex extemporanea
 vena mox respondit: *Mella dabit cun-*
ctis, nec Hispanis spicula figet, spicula
nam Princeps figere nescit apum. Quam-
 primum de Hispani Regis indignatione
 in Papam concepta rumor increbuit,
 mox Proceres, ut fieri amat, linguas
 calamosque in Urbanum acuebant, ac
 præ ceteris Jesuita, qui Olivario Duci
 primoque Regis Ministro a confessioni-
 bus erat, sui oblitus librum edidit *de*
potestate Pontificis, in quo palam tradi-
 disse fertur, *omnem potestatem, quam ca-*
pitis Ecclesiæ titulo in christianum orbem
sibi Papa vindicat, meram usurpationem,
Intrusionem, & Violentiam esse: non exi-
sente in Papa alia prærogativa supra alios
Episcopos, nisi quantum ad dignitatem ac-
cidentallem, non quoad superioritatem Ju-
risdictionis: Episcopum quemvis non ha-
bere minorem Jurisdictionem in sua diocesi,
quam

Sæc. XVII. *quam Papam in suo Episcopatu S. Joannis Lateranensis. Papam non esse supra Concilium, sed contra. Proinde excommunicationem Bullæ in Cæna Domini adversus eum, qui a Papa appellaverit Concilium, esse injustam, invalidam, & tolerandam. Ceterum Maximilianus Bavarix Elector, cum Gustavum Regem cum valido exercitu, quo periculosius, ceteris Catholicis ditionibus imminere cerneret, prevalendo exercitu fœderato pecuniaria subsidia cunctis suæ ditionis Statibus indixit, unde Abbatia Augustana & S. Crucem ob pagum, aliaque inter Bavoriam possessa quatuor florenorum millia conferre jubebatur; cum autem anno priori pro recuperandis bonis suis bis mille quingentos florenos expendere coacti fuerint Canonici, sexaginta septem marcas cuncta valdeaurata & argentea vendiderunt, pretiumque cum mille Florenis Monachum transmisere.*

§. XVII.

Turbæ in Galliis inter Regem, Matrem, ejusque Fratrem.

Calmet Hist. Interim grave in Galliis dissidium inter Ludovicum Regem, ejusque Matrem exortum est, cujus origo repetenda